

影印

文淵閣四庫全書

第一一三六冊

北京出版集團公司
北京出版社

本冊目次

東萊詩集	附錄	蘆川歸來集	雪溪集	茶山集	岳武穆遺文	附錄	東溪集	附錄	歐陽修撰集	附錄	歐陽修撰事蹟	少陽集	雙溪集	柳江百詠	王著作集	和靖集
宋呂本中撰……………六七九		宋張元幹撰……………五八一	宋王銍撰……………五四七	宋曾幾撰……………四七三	明徐階編……………四五九	宋岳飛撰……………四二七	明林希元編……………四二七	宋高登撰……………四二七	宋歐陽澈撰……………三三三	明歐陽鉞輯……………三三三	宋陳東撰……………二八三	宋蘇籀撰……………一二一	宋阮閱撰……………一〇九	宋王觀編……………六三	宋王焞撰……………一	

欽定四庫全書

集部
和靖集
目錄
卷一至
卷四

詳校官右中允_臣薩敏

主事_臣呂雲棟覆勘

覆校官庶吉士_臣毛鳳儀

校對官編修_臣沈清藻

謄錄監生_臣姜士安

欽定四庫全書

集部四

和靖集目錄

別集類三
宋

卷一

奏劄
上

卷二

奏劄
下

卷三

詩

欽定四庫全書

和靖集
目錄

雜文

書

卷四

壁帖

卷五

師說
上

卷六

師說
中

卷七

師說下

卷八

年譜

臣等謹案和靖集八卷宋徽猷閣待制河南

尹焞撰焞字彥明年十二應進士舉策問議

誅元祐黨籍不對而出靖康初賜號和靖處

士後以范冲張浚薦入經筵列侍從旋乞致

欽定四庫全書

和靖集
目錄

仕集凡八卷首列奏劄二卷次詩文一卷次

壁帖一卷是其手書聖賢治氣養心之要帖

之屋壁以自警惕又次師說三卷則其門人

王時敏編輯末附年譜為第八卷朱子語錄

謂焞文字其有闕朝廷者多門人代作今亦

不可復考然指授點定亦必焞所自為亦猶

會昌一品集序雖李商隱作究以鄭亞改本

為勝正不必盡自己出也乾隆四十二年五

月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

和靖集
目錄

三

欽定四庫全書

和靖集卷一

宋 尹焞 撰

奏劄上

諫講和劄子

紹興癸卯年冬十一月金人遣張通古為詔諭江南使蕭哲為副將軍副之且入境朝廷遣起居舍人范同接伴十一月甲申殿中侍御史張戒曰不云國而直云江南是用我太祖待李氏晚年之禮也上章力論之禮部侍郎曾開亦奏謂不當忘仇敵而講和秦檜怒罷曾開職時先生先在告朝廷之議未定金使在館已沈向朝野遑遑乃上疏曰

欽定四庫全書

和靖集卷一

臣輒罄愚衷上干聖聽退循僭易甘俟誅戮伏念臣本山野陋儒絕意仕宦靖康之難幸脫危辱遭遇陛下遠加聘召不容固辭力疾造朝一歲四遷乞身未從便塵禁近封章八上天聽莫回臣疎愚衰病決難冒處況今金使在廷國家之事臣切意睿謨已定足以懾敵今者決旬未覩長策中外憂憤人心靡寧臣屢欲親叩冕旒少布愚見而臣自十二月十六冒寒暴下謁告卧家雖加藥石至今未愈由是不能勉強祇命覲望清光又慮

一旦溘先朝露賁恨九泉辜負陛下眷遇之意臣之區區不敢默已切惟本朝戎夷之禍亘古未聞中國無人致其猾亂昨者城下之戰詭詐百出二帝北狩皇族播遷宗社之危已絕而續陛下即位以來十有二年雖中原未復仇敵未殄然賴祖宗德澤之厚陛下勤撫之至所以億兆之心無有離貳遠近愛戴國勢可保設若人心輕搖豈至今日前年徽宗皇帝寧德皇后崩問遽來莫究不豫之狀天下之人痛心疾首而陛下亦且屈意

欽定四庫全書

和靖集卷一

降志以迎奉梓宮請問諱日為事遂使金志益驕謂我無人乃再啟和議於今日意欲潛圖混一臣妾吾國陛下必為此議則人心日去祖宗積累之業陛下十二年勤撫之功當決於此矣不識陛下亦嘗徐謀而熟慮乎抑且在廷之臣不以告也臣觀陛下所以不顧眾說力求和好者不過謂梓宮未還父兄宗族在人掌握不知金人之情專尚姦詐金人之求無有紀極坐竭帑藏斂及百姓撼動人心沮喪士氣異時悔之固無及已禮曰

父母之讐不與共戴天兄弟之讐不反兵今陛下方將
信仇敵之譎詐而覲其肯和以紓目前之急豈不失不
共戴天不反兵之義乎又況使人之來以詔諭為名以
割地為要欲與陛下抗禮於廷復使陛下北面其君則
是降也非和也今以不共戴天之讐與之和猶且不可
況實降乎臣切為陛下痛惜之或以金國內亂懼我襲
已故為甘言以緩王師倘或果然尤當訓飭弭令申嚴
賞罰鼓士卒之心雪社稷之恥尚何和之為務臣願陛

欽定四庫全書

和靖集
卷一

三

下深思熟慮廣採衆論以全大計勿以成筭重於改圖
則天下幸甚仰惟聖謨默運必使萬全固非臣愚所能
窺測然而中外之議踟躕靡寧機事之微生靈所係伏
望陛下萬機之暇曲賜睿覽干冒天威罪當萬死

貽秦相書

先生上疏論和議不報金國人使在館
多日議論不決乃貽書時宰檜書曰

惇比叨除目即以病纏念惟踈愚謬與獻納辭避之請
屢上不從方今金使在廷天下憂憤初欲勉強拜命侍

清閒之燕盡區區於晁旒之前退見相公論天下之大
勢邇來疾病日加兩足寒痺不能自勵以効誠悃前者
輒具劄目畧陳中外之議今已決旬未聞朝廷有以待
金人之計機會之微間不容髮惇雖昏憤之餘不忍默
已相公亦知今日天下之心將失軍旅之心將搖士大
夫之氣將喪宗社之計岌岌而危乎主上輟駕南轅十
二年矣江淮之間久無竊發豐歉相繼不至流亡更加
經理足以自治邊境之防雖未盡善歲竭帑藏使之足

欽定四庫全書

和靖集
卷一

四

食不愛重祿以為信賞將士之心猶知逗遛無功之為
恥決戰敢前之相尚朝廷每有以激勵懲勸之可收萬
全之効是豈非得人心而然乎今若和於金人彼日益
強我日益削中國號令皆從金出國事廢置皆從金命
侵尋朘削天下有被髮左衽之禍讒間疑貳將帥有誅
戮奪權之害姦宄生心大勢奈何將見異時金人坐收
成功相公被天下之責無所歸咎願相公榻前力陳大
計以謂金人與我有不共戴天之讐靖康以來屢墮其

術今若一屈膝使為口實賈怨飭兵自困自斃豈忍直為此議比者切聞主上以父兄未返降志辱身於九重之中有年矣然未聞金人悔過還二帝於沙漠繼之梓宮崩問不詳天下之人痛恨切骨則金人虎狼貪噬之性不言可見天下方將以此望於相公覲有以革其已然豈意為之已甚乎今之上策莫如自治自治之要內則進君子而遠小人外則賞當功而罰當罪使主上之孝弟通於神明主上之道德成於安強勿以小智子義

欽定四庫全書

和靖集
卷一

五

而圖大功不勝幸甚煇病體衰羸日甚一日歸田之請前後八上投老山間側聞作新之政此相公之賜也況

天下乎

秦檜得書讀之己不樂至勿以小智子義而圖大功愈不悅及又見先生辭免萬壽觀劄子有

云此嘗不揣分守輒及國事識見迂闊已驗於今跡其愚庸宜堪時用秦檜見宜堪時用字深切街之乃見上具言尹焞劄子有所議不可不為施行乞將尹焞所上文字盡付中書當為詳酌行之上遂以先生所上奏上劉盡付中書而秦檜遂切齒於先生矣

涪州被召辭免狀

和靖處士尹焞今月准宣撫使司發到尚書劄子一道

據朝奉大夫充徽猷閣待制提舉建隆觀兼史館修撰資善堂翊善臣范冲奏舉自代六月十五日三省同奉聖旨尹焞召赴行在仍令川陝宣撫司以禮津遣前來者右焞伏念昨於靖康中累被召旨以疾力辭誤蒙告命賜之美名聽其退處方安田里尋被金人侵犯河洛全家遇害僅存一身脫命賊境奔竄三蜀流離累年疾病憑陵志意衰耗有加前日無以所習迂濶之學施之事功一無可者不待人諭自知甚明謹具狀申宣撫使

欽定四庫全書

和靖集
卷一

六

司伏乞鈞慈採錄焞狀申尚書省所有前降聖旨指揮施行寢罷以安愚分伏候鈞旨紹興五年十月日具位

狀
初二
申發

第二狀

右焞近准宣撫使司遞到尚書省劄子一道坐徽猷閣待制范冲奏舉自代奉聖旨召赴行在已具狀申使司乞賜備申朝廷伏望寢罷前降聖旨指揮去訖今月二十八日再准宣撫使司降下御寶封發到尚書省劄子

坐范冲奏乞委所在州郡備禮敦遣及沿路津送疾速
前來奉聖旨令川陝宣撫司差撥人船優給路費以禮
敦遣前來者伏念焞賦才至陋稟性甚迂蚤以受學程
頤之門大觀中嘗致人言重惟布衣之賤名玷臺章杜
門絕交於人者垂二十年由茲世事惜不通曉昨緣靖
康當路之士誤採虛名交薦於朝屢被詔旨以疾力辭
蒙恩授以處士實遂田野之性尋遭鄉關陷沒妻孥屠
害傷殘一身逃竄萬里今則憂患薰心驚惶失志耳聵

欽定四庫全書

和靖集
卷一

七

足弱聽履不任形神俱瘁又非往昔之比豈足上副延
求遠膺誦召加之軍國多事財用匱乏之際有司津遣
之費莫非民力其於愚分尤所未安茲者不避罄瀝肝
膽具陳忱懇庶幾感動朝廷追回召命謹具申宣撫使
司伏望鈞慈特賜敷奏所有前降聖旨指揮乞賜寢罷
施行伏候鈞旨紹興五年十月日具位尹焞狀

二十九
日發

第三狀

右焞先於去年十月內兩狀申宣撫使司乞備錄申奏

朝廷辭免召命未奉指揮間又於今月十二日蒙宣撫
使司差官齎到御前金字牌通角一道准去年十一月
八日尚書省劄子三省同奉聖旨尹焞特受左宣教郎
除崇政殿說書仍令川陝宣撫司依累降指揮加禮敦
遣赴行在所者切惟國家極治之時西閣講臣寔儒者
之遴選元祐之初焞師程頤首自布衣召居此職載之
簡冊永為令典而焞人微材下質薄器陋徒以蚤承家
訓粗守師說獲玷美名已懷忝冒豈為朝廷過聽屢頒

欽定四庫全書

和靖集
卷一

八

召旨繼下除書改授京秩俾參經幄聞命震驚罔知所
措伏念焞衰病流離傷殘窮獨之狀如前所陳加之晚
塗多難素業總廢何以贊天子五學之成當儒者千載
之遇矧惟中興圖治兼收羣策之日其講讀之臣或備
顧問豈若平時尋章摘句專於論說而已宜得俊傑之
士博通古訓深識時務者來膺斯選殆非疲老踈愚之
人可以冒處伏望朝廷察其誠懇檢會所陳事理特行
寢罷近降除命謹具申宣撫使司乞賜備錄敷奏施行

伏候鈞旨

六年正月十二

第四狀

右煇今月十三日准宣撫使司牒差使臣史誠齋擎到行在入內侍省御前金字牌遞送到告一軸特授左宣教郎充崇政殿說書契勘先於正月十二日准尚書省劄子照會已除上件恩命尋具狀申使司伏乞備錄敷奏朝廷辭免去訖見在涪州聽候指揮所有今來齋到告命不敢祇受除已繳申涪州寄納軍資庫謹具狀

欽定四庫全書

和靖集

九

申宣撫使司伏乞照會謹狀

六年二月十四日

第五狀

右煇先蒙聖恩召赴行在所及准告特授宣教郎崇政殿說書累具辭免奉聖旨不允不得再有陳請煇恭稟聖訓不敢固違詔旨除已力疾就道起發前去及候腰膝稍安日謝恩投告申陳去訖伏念煇自夏涉秋傷暑飲冷臟腑不寧腰膝至今未安拜跪尚自艱難有所告命未敢祇受兼以暑月江水泛漲未平難以舟行起發

未得恭承嚴召又以數月夙夜憂懼不惶啟處今於九月十七日安舟起發前去重念煇山野空疎自度不足以副朝廷招延之禮加之流離以來多病少安齒髮既衰精神凋耗茲緣病故起發稽遲雖已就道亦恐觸冒風霜不任寒暑疾疢有加筋力寢弱既不堪朝廷職任又不能入奉朝請虛負聖恩隕越無所謹瀝誠懇別具披陳欲望朝廷察煇情實非敢矯飾乞將前降煇告命寢罷施行庶俾衰老餘生安分遂性免迺運於前路聽

欽定四庫全書

和靖集

十

候指揮謹具申宣撫使司乞賜備錄申奏施行

右劄下在十二

月二十
六日

右五狀並在涪州具申四川宣撫司乞備申朝廷時朝命敦遣甚急川陝官屬日夜敦禮候門不容停止遂不得已辭官

罷勉應詔起離

第六狀

見紹興七年正月十三日省劄

第七狀

見正月二十三日省劄

第八狀

右云云去歲以來累蒙趣召恩禮優渥非所敢當懇辭

六七未賜允俞除不敢祇受告命外扶疾遠來既至江州所苦增甚不能前進今奉聖旨令所至州軍以禮敦遣在於愚分尤不遑安伏念煇一芥草茅初無寸長舊學迂闊忘廢殆盡行年七十疾病交攻一日之間半在枕席耳目聾暗步履艱難衆所共知非出矯偽若使稍能支持亦不敢以固陋為辭義當奔走闕下少思補報以稱聖朝招延之意以合古人進退之道豈當固違嚴召自速罪愆力求罷免誠非得已伏望朝廷特賜敷奏收還成命俾得自便訪求醫藥免致重累流離道路實荷國家全活之賜伏候指揮

第九狀

和靖處士尹煇右煇今月十九日巳時准尚書省紹興六年十二月二十六日并七年正月十三日兩次降到劄子指揮催促兼程前來赴行在所契勘自涪州起發日具狀申四川制置大使司乞備申辭免恩命沿路聽候指揮正月二十一日至鄂州緣疾病有加具狀申尚

欽定四庫全書

和靖集
卷一

十一

書省二月十九日至江州再具狀申尚書省乞賜敷奏寢罷前降恩命未奉指揮聞於今年四月十七日准二月二十五日御前金字牌御封尚書省劄子續准都進奏院遞到四月初四日尚書省劄子催促疾速起發於十八日辰時兩具狀自江州繳申尚書省再乞敷奏今更不敢重疊冒瀆伏望憐察愚誠非敢飾詞上欺朝廷乞檢會前狀早賜指揮施行

第十狀

並見所
下省劄

欽定四庫全書

和靖集
卷一

十二

第十一狀

第十二狀

第十三狀

第十四狀

並卷
同

右煇今月二十五日戌時准御前金字牌降到御封尚書省劄子一道奉聖旨不許辭免催促疾速赴行在所供職者重念煇鄉關陷沒全家遇禍失身盜賊之區積憂懷忿潛伏山谷者累年既而間關入蜀萬里一身年

垂七十白首無歸人生窮獨何以加此方茲栖栖之餘
仰蒙聖君誤採虛名濫膺名命自紹興五年十月內至
今年四月凡五被御前金字牌再被尚書省劄子累蒙
朝廷指揮令所在州軍以禮敦遣以煇艱虞羈旅之迹
分甘委棄於聖時以煇一芥草茅之賤豈當俟駕而後
行況今國步尚艱乃臣子効忠之日即茲數事在於分
義無一可辭實以既老且病學問無取耳瞶足弱聽履
艱辛疾病有加日虞委頓決不能支持前者累狀陳懇
欽定四庫全書

和靖集
卷一

十三

第十五狀

右煇今月初四日午時准五月二十九日巳時御前金
字牌降到御封尚書省劄子奉聖旨依尚書左僕射奏
以煇辭免新命未聞就道令江州守臣疾速以禮津遣

者伏念煇自父祖而上仕於本朝食祿者八世如煇愚
蠢自知不堪世用分甘老死明時亦常濫竊高世之美
名畧無片善之稱在國家何負於煇顧煇何補於國家
自薦膺名旨以來實以疾病侵凌乞追回成命已十四
狀賦性山野言多拙直不識時宜冒犯朝廷日覲罪戾
之獲宜謂猶加寬貸尚欲招徠禮益隆厚仰見聖朝求
賢待士之至搜揚微陋之誠聞命震驚感恩流涕若尚
敢高卧養病夷倨抗請在朝廷即行誅戮固已晚矣言

欽定四庫全書

和靖集
卷一

十四

君臣之分義者固已切齒於煇矣朝廷尚或憐而貸之
亦天地之所不容鬼神之所不赦也煇切見方今國步
尚艱中原未復進退人才當明緩急今日之務無非繁
劇宜先俊傑以濟艱難白首書生動輒迂闊用於平時
徒美聽觀施於今日何益事功縱俾犬馬之齒未衰負
薪之疾可力其於時事素不通曉況使獨持老病之餘
接武英豪之後見聞僻陋冒列經筵又何足以發明旨
義啟沃聖聰考古驗今裨贊元化之萬一哉僥倖以進

必致人言負罪而去在煇何惜豈不念貽累朝廷取笑四方上辱君相下負師友煇今年垂七十惟事安死於時無補於身何有反求諸己自知甚明詢之於人孰不指目重念煇今疾病憂懼全在牀枕俟罪之餘惴惴待盡前後所陳實出迫切雖在草野敢忘愛君若謂矯飾非煇所學伏望朝廷早回天地之大造曲貸螻蟻之微生許令自便訪求醫藥使終殘喘實荷國恩伏乞特賜敷奏施行伏候指揮

欽定四庫全書

和靖集
卷一

十五

第十六狀

右煇五月二十九日准尚書省劄子檢會四月二十一日三省同奉聖旨依已降指揮催促疾速赴行在所供職者契者四月十八日及四月二十七日三具狀申尚書省以煇疾病浸加提携重累乞賜俞允訪求醫藥得以自便至今四十餘日並未蒙朝廷施行切念煇流離道路今已十月自至江州又已三月有餘正此極暑非惟煇一身見在枕席全家老幼盡皆疾病已見失所不

免仰於朝廷乞賜憐恤檢會四月十八日及二十七日三狀早賜敷奏放令自便免致道路委填溝壑伏候指揮

第十七狀

右煇自紹興五年十月初二日被召命紹興六年二月十三日准川陝宣撫司差官齎降到左宣教郎充崇政殿說書告命一軸及袍履等煇以疾病拜跪艱難有妨拜受即時具狀申繳在涪州軍資庫至今前後十七次

欽定四庫全書

和靖集
卷一

十六

具狀申朝廷辭免上件恩命乞歸田里訪醫自便累准朝旨未賜俞允煇以沿路州軍不敢敦迫雖強扶持已至國門緣在路衝冒所患轉加見招醫調治未獲痊愈所有准今月十一日尚書省劄子再降到元給告命委是祇受未得除見別具狀申辭免乞特賜指揮依舊將上件告命等付元寄官司收管仍乞檢會累狀早賜敷奏施行伏候指揮

第十八狀

右煇昨者誤蒙召命敦遣出蜀扶病登舟日增惴懼近者入建康府界已及國門竊念煇近日又苦痢疾一夕之間輒十數起見用建康府醫人王琦調治畧未痊安瘥老廢疾情實可憐伏望特賜敷奏許之自便以畢餘生伏候指揮

第十九狀

右煇昨者誤蒙召命敦遣出蜀蓋已歷陳愚陋無補事功加之兩歲之間經涉萬里疾病侵尋屢困道路比復

欽定四庫全書

和靖集
卷一

十七

卧病國門至於委頓仰荷聖主親遣中使就加撫勞宣醫診視賜予過儀且令調治殘骸入覲宸扆而煇尪羸之質倍費調攝雖疾病向安而筋骸尚劣大懼久稽君命罪不容誅早夜以思罔知攸措伏念煇前後懇辭及今凡二十狀情實切至不敢誕誣雖聖旨寬假又許入城調治以俟痊安而煇偃仰稽留豈違安處日月漸久人將謂何又慮踈賤之言未必皆能上徹天聽謹將前後二十狀錄連在前伏望朝廷特賜敷奏收還恩命以

協師言伏候指揮右通涪州員司中狀共計二十狀係初八日又被旨除祕書省校書郎兼崇政殿說書所有辭免劄子錄於後除祕書郎恩命亦係三次辭免

辭免除祕書郎劄子

左宣教郎充崇政殿說書尹煇劄子准尚書省劄子奉聖旨除祕書郎兼崇政殿說書聞命震驚罔知所措伏念煇遠自草萊誤蒙收召經帷之命已非所宜方欲陞對之間力陳固陋今復躡處祕書尤為美職恩榮重復實不自安伏望朝廷特賜敷奏收還成命伏候指揮閏月

欽定四庫全書

和靖集
卷一

十八

十一日有旨不允令閣門先次朝見供職

第二劄

新授左宣教郎充崇政殿說書尹煇劄子奏臣猥以非才蒙陛下萬里招聘道路連年疾病屢作懇辭數十天眷日加顧臣何人得此異數今者負薪之疾偶獲少瘳既已八拜冕旒於軒陛之下登對清光於咫尺之間疏遠之臣榮幸極矣伏念煇材質凡陋學問迂踈已及衰殘濟之疾病自度無以開發聖明裨補政治伏乞依臣

前件辭免特賜收還崇政殿說書恩命許臣在外自便取進止十月十四日三省同奉聖旨不允

第三劄

近准尚書省劄子奉聖旨除煇祕書郎兼崇政殿說書已罄愚衷乞行寢罷奉聖旨不允先次朝見赴講筵供職伏念煇猥以庸虛備數勸講辭不獲命愧懼已深方念誠懇未伸恩寵過厚至於祕省美職尤出非宜無煇被命以來未有一字之稱旬月之勞僥倖如斯敢復叨

欽定四庫全書

和靖集
卷一

十九

辭免除祕書少監

准尚書省劄子奉聖旨除祕書少監依前兼崇政殿說書聞命震驚罔知所措伏念煇本草萊之人誤蒙聘召擢受臺郎俾侍經帷眷遇優異不許固辭叨冒累月衰病日甚絲毫無補坐糜廩食煇雖至愚寧不知愧徒以被旨解釋論語未就未敢干告朝廷乞歸田里豈可更

貪寵榮躋進美職聖恩雖厚實出無名況東觀令承以待英進豈煇病廢得以冒居伏乞特賜敷奏追回成命以安愚分伏候指揮紹興八年二月二十九日左宣教郎祕書省祕書郎兼崇政殿說書尹煇狀

第二狀

今月初二日准尚書省劄子勘會已降指揮除祕書少監奉聖旨不候受告日下先次供職契勘先准尚書省劄子奉聖旨除前件差遣已具狀申尚書省以煇衰病辭免乞賜追寢恩命未蒙指揮伏念煇見以病瘡在假不任步履欲乞檢會前狀事理敷奏乞行寢罷施行伏候指揮

欽定四庫全書

和靖集
卷一

二十

第三狀

伏以圖書之府朝廷待天下英才以備任使昨蒙聖恩除祕書郎自以衰老迂愚名實不稱顧視同僚已極慚覲今復躋處上列非據益深未被俞允不知攸措重念煇草萊寒士本無見聞昨蒙招延俾待勸講既已辭不

獲命止欲扶病造朝一見聖主即求退居田里會有旨講解論語又值車駕時巡百司進發所以未敢干瀆朝聽豈謂誤恩復加進擢揣分量才無一可者伏望特賜敷奏收還成命伏候指揮

第四狀

近三具狀申瀆朝廷乞寢罷新除祕書少監恩命未蒙矜允切念煇草萊寒士本無所長誤蒙聖主招延置之講席非不知幸加之一生迺遭白首流落初無姓名在

欽定四庫全書

和靖集
卷一

十一

人齒牙日者起自布衣得侍聖主清閒之燕豈不知榮幸至此實為過分豈不欲勉勵愚鈍少酬眷禮但煇以才術淺拙學問迂疎疾病侵凌志慮衰耗技止於此無補今時惟有知足安分戒之在得或不累師友不辱聖朝少助廉恥之風使天下謂朝廷聘召之人粗知分守亦足以為朝廷美事情實誠懇非敢誕謾拙於言辭未能取信伏望檢會累狀曲賜敷奏追寢新除祕書

少監恩命伏候指揮

右劄三月十六日三省同奉聖旨
不允不許再有陳請可速就職以

副崇重儒
學之意

第五狀

近四具狀乞寢罷新除祕書少監恩命者伏念煇雖庸愚粗知忠信處身甚約不敢過求平生里社之間去就取舍未嘗以一語欺人人頗以是信之今年垂七十濫稱儒士豈敢矯情作偽以不忠不信之言欺於君父之前哉實以學問荒唐加之老病昨蒙聘召固已力陳其不堪聖上過聽必欲見其面目促召再三恩禮隆厚臣

欽定四庫全書

和靖集
卷一

十二

子之分懼獲譴誅止欲扶病造朝旬日之間即求閒退不謂游蒙超擢驟冠同列使煇筋骸年齒稍可支持其在素志猶不敢當況是尪羸昏忘舉動艱難少壯之榮反成苦楚唯有退閑自適是為重恩方欲乞身敢復叨據區區之懇始末不渝皆出忱誠了無矯偽伏望朝廷更賜敷奏收還前件祕書少監恩命伏候指揮

辭免兼史館日歷狀

左宣教郎試祕書少監兼崇政殿說書尹煇狀契勘本

省長貳依條不與修纂至紹興元年七月內因祕書少
監程俱申請特令修纂日歷後來緣重修實錄因而又
兼史館職事切緣煇見係崇政殿說書不惟拙於文筆
不通史學無間日赴經筵進講文字又有專得指揮解
說論語未了委是精力有限難以兼營修纂欲望許依
舊來條例特免史館日歷職事伏候指揮四月九日三
省同奉聖旨特依

欽定四庫全書

和靖集
卷一

三

欽定四庫全書

和靖集卷二

宋 尹煇 撰

奏劄下

再乞歸田里劄子

伏為年齒衰邁疾病侵尋自昨初赴招延已於奏對之
日乞候旬月之間即歸田畝近者又常面乞骸骨不蒙
允從切緣煇日來疾病益多加之嘔血欲乞特賜敷奏
許歸田里伏候指揮

欽定四庫全書

和靖集
卷二

一

辭免除職宮觀二狀

見四月二十一日及
二十七日二劄內

辭免直徽猷閣職名狀

右煇云云 伏念煇雖甚庸愚豈不知遭遇聖世眷戀君
恩但以行年七十疾病百出精神筋力勉強不前所以
必求閑退保養殘年今不蒙朝廷許致仕而去至於改
授職名奉祠闕下使之便閑時奉勸講聖恩隆厚不敢
固辭然而延閣寓真實為清選請去而得何異要求煇
今更不敢力請自便止乞收還貼職少安愚分伏望朝

和靖集卷一

廷特賜敷奏施行

辭免賜緋章服狀

左宣教郎新除直徽猷閣主管萬壽觀兼崇政殿說書
尹焞准勅特賜緋魚袋伏念焞自被召除叨榮有愧比
緣卧病方請退閑更蒙寵錫身章益隆異數在焞山野
之質有所未安伏乞特賜敷奏收還上件恩命伏候指
揮

辭免太常少卿狀

見八年十月二十五日所下

欽定四庫全書

和靖集
卷二

第二狀

准尚書劄子以焞辭免新除太常少卿奉聖旨不允不
得再有陳請者伏念焞行年六十九歲昨蒙朝廷察其
衰病罷免祕書少監改授前件差遣自後老病交攻甚
於前日念惟坐享祿食專以說書為職方聖上日御經
筵未敢求去止欲候秋講罷日乞歸田畝今來復蒙除
用豈不知榮但以年老久病筋力衰廢實難勉強伏候
勅旨

辭免除禮部侍郎劄子

臣十一月十九日准尚書省劄子三省同奉聖旨除臣
權禮部侍郎張詢除太常少卿並日下供職者臣聞命
震驚罔知所措切緣臣近以衝寒冒濕臟腑暴下於十
一月十六日在假權將執事交割與以次官主管見今
將理未安今來除已遵次指揮日下將太常少卿職事
交割與張詢外伏念臣本以庸虛誤膺召用尸素朝列
有愧於心嘗以學術迂疎年齒衰邁丐歸田畝未賜允
俞豈可更復叨冒寵榮濫廁法從上恩雖厚公議謂何
欲望聖慈追還成命以臣見今衰病伏枕乞除一在外
宮觀以安愚分伏候勅旨

第二劄

伏念臣久侍經幄無補聖朝敢謂誤恩復加陞用眷惟
臣學日迂陋老病侵凌雖欲更冒寵榮力雖勉強云云
再奉德音惟深感懼尚餘愚懇必覲矜憐伏念臣召自
草萊擢侍帷幄虛辱禮遇何補聖朝屢丐歸田誠非矯

欽定四庫全書

和靖集
卷二

三